

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u vezi sa članom 133. stav 2. Poslovnika Skupštine Zeničko-dobojskog kantona - Treći prečišćeni tekst („Službene novine Zeničko-dobojskog kantona“; broj: 14/18, 18/18-isp, 7/19 i 7/20), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 168. sjednici, održanoj dana 18.08.2022. godine, d o n o s i

ZAKLJUČAK

I.

Vlada Zeničko-dobojskog kantona utvrđuje Amandman na Prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom koji glasi:

„AMANDMAN

U članu 31. Prijedloga Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, brojevi „15. i 18.“ zamjenjuju se brojevima „121. i 127.“.

II.

Amandman iz tačke 1. ovog zaključka postaje sastavni dio Prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom.

III.

Zaključak sa obrazloženjem upućuje se u dalju skupštinsku proceduru.

IV.

Zaključak stupa na snagu danom donošenja.

PREMIJER

Mirnes Bašić

Broj: 02-_____/22
Datum, 18.08.2022. godine
Z e n i c a

DOSTAVLJENO:

1x Ministarstvo za rad, socijalnu politiku i izbjeglice,
1x Stručna služba Skupštine,
1x a/a.

Obrazloženje

PRAVNI OSNOV

Na osnovu člana 16. stav 4. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona”, broj 7/10) a u vezi sa članom 133. Poslovnika Skupštine Zeničko-dobojskog kantona - Treći prečišćeni tekst („Službene novine Zeničko-dobojskog kantona“; broj: 14/18, 18/18-isp i 7/19) Vlada Zeničko-dobojskog kantona ima pravo podnijeti amandman pismeno sa obrazloženjem na Prijedlog zakona.

RAZLOZI DONOŠENJA

Razlozi za donošenje zaključka ogledaju se u tome da je u tekstu Prijedloga Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom u članu 31. Prijedloga Zakona greškom u izradi teksta upisani brojevi „15. i 18.“ umjesto brojevi „121. i 127.“. Iz navedenih razloga predlaže se da Vlada podnese amandman kao u Prijedlogu Zaključka.